

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Opera**

**Priscianus**

**[Venedig], 15. Dez. 1481**

Prisciani interpretatio ex dionysio

[urn:nbn:de:bsz:31-324175](https://nbn-resolving.org/urn:nbn:de:bsz:31-324175)



**ATVRE GENITOR: QVAE MVNDVM**

continet omnem

**N** Annue rex caeli, positum telluris & undae  
In quas imperium: mortalibus ipse dedisti  
Materiae tantae me promere carmine digno  
Incipiens terrae tractus pontiq; meatus  
Et fluuios canere atq; urbes populosq; per orbem

Discretos: late refluxum memorare parabo

Oceanum: tellus quo cingitur aequore tota.

Insula ceu sese diffundens littore uasto

Non tamen assiduo, teres undiq; margine circum

Clauditur haec bifido: sed brachia littore pandens

Arctatur rapidos cursus ad solis utrinq;

Assimilis fundae sed quis corpore toto

Vna sit haec homines tris dicunt esse diremptras.

Et primam lybien, post europen: asiamq;

Sed lybiam europae discernit finibus amplis

Linea: quam obliquant gades atq; hostia nili.

Qua boreae excurrit mephitis terra sub axes

Atq; locum nouit spartano famo canopo

Sed terras aquilo qua frigore damnat iniquo

Europen asiae tanais disiungit ab oris

Sauromatas linquens: icythiam qui gurgite uasto

Præstringit: præcepitq; ruit meotida poscens

At medius finis iam iam decliuus ad austrum est

Quas helleponti fauces dixere priores

Sed magis australis sunt terminus hostia nili

Per mare sic fluuiosq; patens discernitur orbis.

Ast alii terris malunt discernere terras

Finibus est asiae latus arctum lingua supernis

Caspia quam mediam faciunt: atq; aequore ponti

Euxini locus hic discrimen dicitur esse

Europae atq; asiae disiungens ruribus arua.

Ast alius finis longissimus exit in austros

Qui secat aegypti terras: aequorq; sabaeum.



Separat hic lybien asiae confinia rupens.  
 Talia mortales perhibent discrimina terra.  
 Circuit oceani gurges tamen undiq; uastus:  
 Qui quis unus sit plurima nomina sumit  
 Finibus hesperii atlanticus ille uocatur  
 At borea qua gens ferens arimaspa sub armis  
 Dicitur ille piger necnon saturnius idem  
 Moriuus est aliis: minimo quod lumine solis  
 Perfruitur: tarde radios nam suscipit ortus  
 Nubibus & crassis premitur: nimbisq; grauatur.  
 Vnde tamen primo conscendit lumine titan  
 Eoumq; uocant. atq; indum nomine pontum.  
 Sed qua deuexus calidum posus excipit austrum  
 Aeth opumque simul pelagus rubrumq; uocatur  
 Qua deserta patet tellus ardore perusta.  
 Circuit oceanus sic totum maximus orbem  
 Nominibus uariis celebratus: & aequore tanto  
 Hinc atq; inde sinus penetrabilis efficit ille  
 Exiguos multos dirimens mare quattuor amplos  
 Periecat hesperiam primus qui porgitur undis:  
 Pamphylumq; latus libyae pertendit ab oris  
 Hic minor est reliquis. maior quem caspia tellus.  
 Suscipit intrantem uastis aquilonis ab undis  
 Nomine saturni quod tethys possidet aequor  
 Caspius iste sinus simul hyrcanusq; uocatur.  
 At duo qui ueniunt australis ab aequore pontis:  
 Hic supra currens mare persicus efficit altum  
 Eregione situs: qua caspia uoluitur unda.  
 Fluctuat ast alter panchea quia littora pulsat  
 Euxini contra pelagus protentus in austros  
 Hosce sinus perhibens: quos tethyos efficit unda  
 Maiores nam sunt alii: multiq; minores.

**N**unc maris hesperii lustrabo carmine rectus  
 Flexibus in uariis quo frangitur aequore pontus  
 Astringens pelago terras circumfluus illis  
 Montibus & radens: suppositas urbibus oras.



**A**d sis o numen studiorum præful & artis  
**O**rdine principium capiens atlantis ab unda  
**H**erculeo celebrant quam mete munere gades.  
**C**æliseraq; tenet stans atlas monte colūnas  
**E**st primus uastis qui pontus hibericus undis  
**D**iuidit europen libya communis utriq;  
**H**inc atq; hinc statua sunt: ambæ littora cernunt  
**H**æc libyes hæc europes aduersa tuendo.  
**G**allicus hunc gurges: qui celtica littora pulsat  
**E**xcipit: hunc lequitur ligurum cognomine dictus  
**Q**uado mini rerum terris creuere latinis.  
**A**d petram leucen aquilo nis ab axe reductus  
**Q**uæ freta sicaniæ concludit littore curuo  
**I**nsula sed cyrnos propriis pulsatur ab undis:  
**I**ntra sardonium pelagus celtumq; refulis.  
**I**nde salis tumidus tyrrheni uoluitur æstus  
**A**d partes uergens australes. excipit istum  
**S**icaniæ gurges solis deflexus ad ortus:  
**Q**ui procul effusus pachynis tenditur oris  
**A**d creten summam: quæ prominet æquore rupem:  
**Q**ua gortyna potens medius qua phæstos in aruis  
**A**rietis hanc rupem simulantem uertice frontem  
**P**ro merito graeciu dixere metopon:  
**H**oc mare gargani concludit i pygis ora:  
**I**llinc incipiens extenditur adria uastus:  
**A**d boream penetrans pelago solemq; cadentem  
**I**ouius pariter sinus hic perhibetur ab orbe.  
**D**iuidit & geminas diuersis partibus oras:  
**Q**uas tamen extremas coniungit terminus unus  
**A**d dextram partem protenditur illyris alma:  
**P**ost hanc dalmatiæ populorum martia tellus  
**A**d leuam auloniæ porrectus continet isthmus  
**Q**uem tria circundant maria undiq; littore curuo  
**T**yrrenum siculum necnon simul adria uastus  
**F**inibus at propriis exceptant singula uentos  
**T**yrrenum zephyro: siculum sed tunditur austro.  
**A**dria succurrens eoo frangitur euro.



**A**st post sicaniam tractu diffunditur alto  
**A**d iytim pelagus libycis quæ cingitur oris:  
**M**aiorem postquam minor excipit: aquota longe  
**A**tq; linu gemino resonantia littora pulsant  
**F**inibus a siculis cretæum tenditur æquor:  
**A**d solis ueniens ortus salmonida poscens  
**D**icitur eous qui cretæ terminus esse:  
**P**ost hanc est geminum mare uastum fluctibus atris  
**F**luctibus hismarici boreæ quod tunditur atris  
**Q**uod ruit aduersus celsæ de partibus arcti  
**Q**uod prius est pharium perhibent: hoc littora tangit  
**P**racipitis casu montis: post unda secunda  
**S**idonium est pelagus: penetrat qua gurgite pontus  
**I**licus arctoas ad partes æquore uergens.  
**N**on longe rectus: cilicum nam frangitur oris.  
**H**inc zephyros poscens ueluti draco flectitur undis  
**Q**uod iuga montiuagus uastat: siluasque fatigat:  
**P**artibus extremis pamphylia clauditur isto:  
**A**tque chelidonia rupes cinguntur eodem  
**A**t procul hunc zephyrus finit patareide summa.  
**P**ost hæc arctoas ad partes aspice rursus  
**A**egeum superat qui fluctibus æquora cuncta:  
**D**ispersas uasto qui gurgite cycladas ambit  
**T**erminat hunc imbros pariter tenedosq; coercens.  
**A**ngusta trahitur quæ fauce propontidis unda  
**A**sia: quam supra populis distenditur amplis  
**A**d notiam partem: qua latus ducitur isthmos.  
**T**hrecius sequitur post bosporus hostia ponti:  
**H**oc nullum perhibent terras angustius orbis  
**E**sse fretum dirimens. hic sunt symplegades arctæ.  
**P**anditur hic ponti pelagus titanis ad ortus  
**Q**uod petit obliquo boream solemq; meatu  
**H**inc atq; hinc medio percurrunt æquore colles:  
**V**nus qui ueniens asia: de parte carambis  
**D**icitur australi: sed contra sinibus alter  
**P**rominet europæ hunc criu dixere metopon.  
**E**rgo conueniunt aduersi gurgite tanto



Distantes quantum ternis transire diebus  
Eualeat nauis: bismarem sic aequore pontum  
Aspicias similem cornu quod hecitur arcus  
Neruo curuati distento dextera neruū  
Assimulat: recto trahitur nam linea ductu  
Extra quam boream quo scandit sola carambis  
Sed formam cornu geminatis flexibus edit  
Littus: quod pontum cingit sub parte sinistra  
In quam moctis penetrans aquilonis ad axes  
Quam scythia gentes circumdant undiq; ripis  
Et matrem ponti perhibent moctidis undam.  
Scilicet hic ponti uis exit gurgite multo  
Cimmerium torrens per bosporon: hic ubi taurum  
Cimmerii gelidis habitant sub sinibus unum  
Hac maris est species splendens hac forma profundi.

**H**unc tibi telluris regiones carmine pandam.  
Vt cernas animo non uisas lumine terras  
Atq; docens alios laudetis pectore docto.  
Incipiens libyæ tenuisq; a cethyos undis  
Oceanus tyrias qui pulsat gurgite gadis  
Tenditur ad notias partes & solis ad ortus:  
Et messis formam reddit mensuris arcis  
Quam tradunt terræ non æqua margine cinctam  
Terminat hæc fines rubri prope littora ponti  
Latos athiopum populos: quos possidet alter  
Quem calidis iuxta terris pascuntur erembi  
Hos pelli similes pardi dixeret priores  
Nanq; solum squallens urbes distinguit opacas.  
Hac sitis hac humor latos uariatur in agros  
Sed summam libyen habitant ad cethyos undas  
Alcidæ qua sunt statuæ maurusia plebes.  
Post hos immensæ nomadum de semine gentes  
Atq; masalyii necnon masylia proles:  
Saltibus hos duris asper siluisq; uagantes  
Victis alit saua quæ sitis cæde ferarum.  
Scilicet ignaros terras proscindere aratris



Agricolafq; boues plaustris domitare sonoris :  
Nanq; erant nemorum per dumos more ferarum.  
Quos prope tenduntur fines carthaginis altae  
Perpetuas tyriis celebrat quæ condita laudes  
Qua regnans foelix dido per faecula uiuit:  
Atq; pudicitiam non perdit carmine ficto  
Hanc minor insequitur fyrtis maiorq; secunda  
Qua tumor imenlus tyrrheni pellicur aëtus :  
Accerluq; furit ficcisq; receptus arenis  
Ast inter fyrtis urbs est quam nomine dicunt  
Esse neapolin: hanc supra iustissima fertur  
Hospiciis gaudens gens degere lotophagorum  
Hos licet ad fines desertas cernere terras  
Extinctis populus nasamonum marte latino.  
Asbysta post hos terrarum rura tenentes  
In medio summis libycis & gentibus hâmon.  
Nec non cyrene clarorum mater equorum  
Vibis amyclææ propter quam condidit olim:  
Marmaridæ: post hos ægyptia flumina uertunt  
Getulicq; supersunt uiciniq; nigrentes :  
Continuo post hos sequitur phaurusia tellus:  
Hanc habitant iuxta garamantes debrite clar  
Quæ superat cunctas urbs miro munere fontis:  
Frigord qui noctis feruet calefactus & umbris  
At solis friget radius glacialis & igni  
Omnibus extrema populis clauduntur in ora  
Aethiopes: libyes ubi finit littore cerne  
Oceanum nimio quæ pulsat sole calentem .  
Nec longe feruent blemiorum collibus agri  
Hinc fluii pinguis descendunt flumina nili  
Partibus a libycis: qui currens solis ad ortus  
Siris ab æthiopum populis cognomine fertur:  
Versum cultores nilum dixere lycnes :  
Hinc currens nilus ad partes flumine pingui  
Fertilis ægypti terras fecundat opimas:  
Septeno ferit pellæum gurgite pontum:  
Non alius tantum fluuioꝝ ditat arenas:



**A**q; trahens limum complectitur ubere campos:  
**H**ic latis libyen alia determinat oris:  
**H**ac ortus cernit: uidet austros illa calentes.  
**H**unc habitant iuxta sapientum corda uirorum  
**D**ispoluere uias qui uitae mente potenti:  
**E**t primi dederant sulcos & semina terris:  
**O**bliquos solis tractantes pectora curfus:  
**H**orum telluris lines nunc carmine dicam  
**E**t formam celebrat quam gloria magna per orbem:  
**H**ac igitur latis distula patescit in aruis  
**F**ertilis & superans alias pinguedine gleba:  
**M**arginibus laterum formatur at undiq; ternis  
**L**ata quidem boreae sub littore tenditur oris:  
**A**st orus angusta petit: summamq; syenem:  
**Q**uam celi media montes utrinq; coercent:  
**I**rrigui per quam descendunt flumina nili  
**H**anc habitant homines multi pariterq; opulenti  
**Q**ui ueteris claraq; colunt sub moenia thebes  
**Q**uam perhibent centum portas habuisse priores  
**F**ilius aurorae memnon qua regna tenebat.  
**H**ic sunt & septem mediis in sinibus urbes:  
**Q**uas celebrat totum discurrens fama per orbem:  
**E**t quicunq; maris uiuunt prope littora uasta.  
**Q**ua lacus est ingens liquidae serbonidis undae:  
**A**d cuius zephyrum mactum sunt moenia regis.  
**E**t pharos in idothees scopuli pallenidis alti.  
**P**ost ubi sub casio pellusi uergit ad ortus.  
**N**auigiis populus duris quam possidet aptus  
**N**on tamen est lybies ponendus sinibus iste:  
**S**cilicet aeas nili qui continet oras:  
**N**ili quem circum floret mirabilis arbor:  
**E**xtinguit quae sitim pomo: cui nomen ad ipsos.  
**H**ac facies libyes: hic claudit terminus illam:  
**S**unt tamen hic aliae gentes: quae littore summo  
**T**ethyos aut mediis habitant telluris in aruis  
**E**t gratas circum ripas tritonidis undae:  
**H**ic lapis heliotropius: qui nomine uero



Dicitur: conuertit radios nam solis in undas  
Si quis eum fusa labris inmergat aenis  
Sanguineiq; rubens resplendet luce coloris  
Purior at soli renitet nudatus ab undis :

**S**i placet europes quoq; me nunc dicere formam  
Haud taceam. similis libyæ est sed uergit ad arctos  
Finibus & pariter distentis pergit ad ortus

Linea nanq; asiæ similis disiungit utranq; .

Hæc notias spectat: partes aquilonis at illa :

Ast ambas unam si terras esse putemus

Assimulent conum laterum compagibus æquis :

Cuius ad occasus est summum: lata sub ortu .

Sic europa tibi facili dignoscitur arte.

Ad cuius summum prope metas herculis alti

Magnanimæ gentes dederat quis nomen hiberus

Ad spacium multum terrarum rura colentes

Oceanum boreo contingunt frigore durum

Scrutaturq; decus pulchrum sapientibus auri.

Quos tamen haud maculat præsens: nec deicit absens.

Qua sunt germani bellâces : atq; britanni

Saltibus hercynis germania subiacer atrox.

Hæc tergo similis taurino dicitur esse.

Epascit uolucres mirum fulgentibus alis :

Quis ducibus noctu cernuntur flexa uiarum.

Pyrrhenes sequitur mons : post hûc est celtica tellus

Eridani fontis contingens rauca fluenta .

Hic phaethonta suum caræ luxere sorores

Hic electra legunt alnis stillantia celtæ.

Sucina quæ memorant mellis uini ue colore.

Quæ paleas rapiunt tractu: frondesq; caducas :

Post hos tyrheni: quos iuxta solis ab ortu

Incipiunt alpes: quibus exit gurgite uasto

Oceani rumpens glacialis littora rhenus.

Hunc prope confurgit fons istri flumine longo

Qui poscens ortus : euxini peruenit in undas

Irriguam peucen amplexus gurgite quino



Cuius in arctoas est partes barbara tellus  
Innumeras gentes gremio complexa reducto:  
Cui finem faciunt maotidis hostia uasta.  
Hinc sunt germaniq; truces: & sarmata bellax  
Atq; getæ: nec non balternæ semina gentis.  
Dacorumq; manus & maria pectora alani:  
Atq; dromon tauri retinentes iortis achilli.  
Angustum & longum maotidis hostia iuxta.  
Hos equites supra celeres iunduntur agauri:  
Atq; melanchanum populus metuendus in arcu  
Post hippemologi sunt. hippopodseq; potentes:  
Atq; gelonus cum neuris. pictiq; agathyrsi:  
Hic ubi descendit porrecta borysthenis unda  
Euxinumq; subit criu prope tracta metopon  
E regione iacet locus hic tymplegados arctæ  
Hic sunt aldesti quoq; panticapiq; fluenta  
Diuidui currunt ripis montibus ambo  
Immiscet qua se ponti glacialibus undis.  
Nascitur electrum præstans luce nitenti  
Mense solet primo qualis splendescere luna  
Hos adamanta legunt iuxta fortes agathyrsi.  
Tot dirimit gentes aquilonis partibus istæ.  
Huius ad australes terras getæq; feroces  
Noriciiq; colunt bellaces pannoniq;  
Et mysithracum boreis in finibus orti.  
In quorum terris quas ponti perfluit unda  
Ignipotens oleo comixto gignitur herba  
Medica cui nomen cuius compescere flammæ  
Si quis aqua capiat. plus ignem pascit in illa.  
Pulueris hunc iactus potis est extinguere solus.  
Thracæ arant post hos latissima rura tenentes  
Quæ torrens stringit finitq; propontidis undæ:  
Atq; helleponti fauces ægæus: & altus  
Nascitur hic scopulus pallene gemma refulgens  
Asterium perhibent: stellis certare putatur:  
Et flammæ similis splendenti lumine lychnis:  
Hic ripas istri porrectas undiq; stringunt.



**V**ropæ reliquas nūc partus aspice ternas  
**P**hœbeos uergens: quibus eminent illa sub ortus:  
**P**rima est hispanū: quæ frangit littora pontū  
**A**ltera tyrrhenum quæ pulsat molibus æquor  
**T**ertia quæ graios circūflua gurgite pascit.  
**S**ed tamen oceanum contingit hiberica tellus.  
**O**ccidū calpæ: qua sūmam sustinet unam  
**H**erculis e statuis: quam supra diues & alta  
**T**artessus templiq; sedent qui collibus tmis  
**P**yrhenes: cœlum qui tangit uertice sūmo.  
**A**st ambas intra tellus iacet ausonidarum  
**L**imite quam recto mediam fecat apēnius  
**Q**ui mons incipiens boreis ex alpibus altus  
**I**n freta sicaniæ porrectas terminat oras:  
**H**unc urbes circū populi gentesq; frequentant  
**Q**uos breuiter retegā nostro tibi carmine cunctos.  
**T**yrreni primum fortes: iuxtaq; pelasgi  
**C**yllentes quondam propria qui sede relicta  
**T**yrrenis socias petierunt nauibus arces.  
**H**os prope sunt omni superantes laude latini:  
**Q**uorum per terram d'icurrit in aquore thybris  
**R**egius irriguo dirimit qui gurgite romam  
**R**omam quæ genatrix regnum dominatur in orbem:  
**P**ost hos pingue solum sequitur campania diues  
**H**ic tibi parthenopes domus est castissima frugum  
**F**ertilis: hanc pontus propriis exceperat undis  
**A**d noton est longe supra sirenida rupem  
**D**icentis silari gurges spectabile flumen:  
**H**unc habitant prope lucani brutiq; coloni  
**A**d leucapetram longissima rura tenentes.  
**H**inc est ad boream zephyri quæ sūma uocatur:  
**S**ub qua sunt locri celeres. qui tempore prisco  
**I**stuc reginam propriam uenere secuti  
**A**usoniamq; tenent: qua currit flumen halecis.  
**M**œnia cernuntur metaponti: deinde croronq;  
**Q**uam pulcher gratam præterfluit asarus urbem.  
**V**lterius pergens hinc templa lacinia cernens:



Post hæc est sybaris: perit quæ numinis ira  
Præponens hominum tumulos cælestibus aris .  
Postere qui præcis ausi certamina soli  
Samnitis mediõ complectitur itala tellus  
In gremio. marisq; simul: tunc deinde tarentum  
Tangitur æquoribus: quod munuere lacones .  
Continuo calabræ telluris rura sequuntur  
Vsq; hyrii sumam. sed tendit iapygis ora :  
Qua salis adaiaci trahitur uastissimus æstus :  
Atq; sinum penetrans aquileium colligit undas .  
Alta tegestron postrema in cœnia terræ  
Qua sinus ionius finitur gurgite lasso .  
Hi sunt ausoniae populi gentesq; potentes .  
Flexilis hinc pontus conuertens uergit ad ortus  
Atq; liburnorū terras hyllisq; feroces  
Bulimeon pariter præstingens littora currit:  
Et uenit illyrias late porrectus ad arces .  
Quas tollunt montes excelsa cacumina sumas .  
Cernitur hic tumulus qui cadmi dicitur esse  
Hermionæq; simul. nanq; hic serpentibus illi  
Corpora post tempus longum mutasse feruntur  
In senio: postq; patriam thebasq; relinquunt  
Hinc illos siud posuerunt numina monstrum  
Nanq; duo tumuli concurrunt peste futura  
Significat quotiens lætissima damna colonis .  
Hæc regio fontem mirandæ concipit undæ  
Quem merito ueteres dixerunt nomine sacrum:  
Nam gelidus superat cunctarum frigus aquarum:  
Accensasq; faces si quis prope duxerit undam  
Extinguit flammam: recipit sed rursus eadem  
Admoueat dextra cum extinctâ lampada fonti .  
Sed supra tracen: necnon epiros ad austros  
Principium terræ doctissima græcia sumit  
Ascendens multū. geminoq; sub æquore cincta  
Aegæo siculoq; mouent qua flumine uenti  
Diuerso: siculū zephyrus tenet: eurus ad altū  
Aegæum: sequitur pelopis post insula lata



Consimilis folio platani: quod muris acuta  
Aequiparat caudam: cuius iacet isthmus imago  
Hellas ad boream sibi met confinia iungens:  
Latio at tellus folium seu flexile circum  
Cingitur æquoribus zephyrum tryphylidis arua  
Excipiunt: per quam descendit flumine pulchro.  
Alpheus: qui messeni discinditur undis  
Eurota: terris ambo nascuntur ascis.  
Hic tamen eleos: & diuidit ille laconas.  
Hic mediis habitant late telluris in aruis  
Arcades apidanei sub scopulos crymanthi  
Qua melas atq; crathis fluuii qua currit iadon  
Tenditur atq; uetus: qua longo gurgite ladon:  
Hic merulos perhibent albos mirabile dictu:  
Hic nasci linum: qui tacto accensus ab igni  
Extingui nequitur quem graii nomine uero  
Albiflum memorant. ferri nitet ille colore.  
Iuxta est argium tellus pariterq; laconum  
Ortus argiui uergunt: lacones ad austros.  
Æquoribus geminis isthmus pulsatur utrinq;  
Hoc ephyren contra est zephyrus: sed uerberat illud  
Eurus in imensum quæ mergitur unda profundum  
Nomine quam danai dixere sacronida prisco.  
Attica sed tellus post isthmon solis ad ortum est.  
Hinc orytham boreas rapuisse puellam  
Traditur. hic illifos: aquis deuoluitur amnis  
Bœt um sequitur ut sinis qua dicitur unda  
Esse potestatis diuersæ: nanq; duobus  
Fluminibus uertit ueruecum lana colorem:  
Hoc fuscet niueas: hoc albat gurgite nigras.  
Locridis inde solum sequitur re gionis: & ora  
Thessalis & tellus macetum cum mœnibus altis  
Sub cuius scopulos tangentes uertice cœlum  
Speluncæ ueteris seruant insignia cladis:  
Finibus in mediis terrarū nanq; uidentur  
Ostrea muricibus siccata latentibus esse:  
Diluuium latebras dederat quod piscibus illas.



Concipit & parit hic naturæ munere gemma :  
Quam paraniten perhibent pregnantibus ista  
Auxilium confert facilis releuamine partus.  
Cernitur hinc niueas attolens uertice rupes  
Aemus threicius:quem contra tenditur agris  
Ad zephyrum regio dodones lata feracis  
Ad cuius notias partes sub rupe aracynthi  
Aetolæ gentes sunt belli laude potentes  
Campi quos medios acheloia persecat unda:  
Et mare trina:rium perumpit echinadas intra  
Regna cephallenæ prope sunt sapientis ulyxi  
Iste galactiten ripis ostendit in altis  
Vberibus prodest: nec non infantibus idem:  
Et si quis terat hunc: albescit lacte liquefcens  
Hunc fluuium iuxta præclaros solis ad ortus  
Phocis ad arctos uentos extenditur ingens  
Donec contingat calida hostia thermopylarum  
Sub iuga parnassi cephallos gurgite magno  
Quam mediam dirimit descendens murmure uasto  
Qua templum phœbi memorabile delphica sedes.

**N**unc magno nobis sunt insulæ ore canendæ:  
Quas homines toto dispersas æquore cernunt  
Est igitur ponto tellus circumflua prima  
Cui nomen gladii: statuas hæc herculis inter  
Atyriis colitur continua uocata uerustis.  
Continuoq; iacent gymnasia: has baleares  
Romani memorant: hinc frangitur æquore bufos  
Sardoniam postq; pelago circumflua tellus  
Fontibus eliquidis præbet miracula mundo:  
Quot sanant ægros: pandunt dānantq; nefando  
Periueros furto: quos tacto flumine cæcant.  
Postq; non longe cernuntur littora cyrni:  
Corsida quam pariter geminato nomine dicunt:  
Hanc solam perhibent catochiten gignere terram:  
Corporibus lapis hîcceu glut sine rectus adhæret.  
Nulla tamen tellus latissima robora siluæ  
Sic habili generat: dehinc rupes æolidarum:



Quas septem numero perhibent cognomine plotas  
Quippe usam ratibus pelago dant undiq; ualto  
**T**rinacria post hos moles distenditur ampla  
Cardinibus ternis: laterum quam terminat actus  
**P**rocurrens pachyno longe castrisq; pelori  
**E**xternensq; rates lylibæi cautibus alpris  
**E**minet ad zephyrum lylibæ: pachynusq; sub ortum  
**A**spicit ausoniam: boreæq; pelorus ad axes:  
**Q**ua mare uix superant haud æquum mille periclis  
**A**ngustum rapido quod frangit gurgite saxa.  
**T**raditur hic pelagi dirupras uiribus olim  
**E**xcepisse fretum terras cogente ruina.  
**P**lurima sunt istic totum memoranda per orbem.  
**D**ianas fons est: camerina gignitur unda:  
**Q**uem si quis manibus non castis hauserit unquam:  
**L**ætifico tristis non miscet pocula baccho.  
**H**ac eadem montem mstrandam sustinet ætnam:  
**V**ertice qui summo rigida niue temperat ignem:  
**N**ec superant flammæ frigus nec frigora flammæ.  
**H**ic salis acragas miracula possidet unus  
**N**aturas in quo proprias mutare uiderur  
**I**gnis & unda. salem nanq; illum soluere flammæ:  
**U**nda solet crepitus illis coniuncta mouere.  
**H**ic & haleinus fons est mitissimus undis  
**T**ibia quem extollit cantu saltare putatur  
**M**usicus & ripis lætans excurrere plenis.  
**C**ernitur egregius lapis hic. cui nomen achates:  
**H**oc dederat fluuius cuius generatur ad undas  
**H**anc simulachra uides uenis ostendere gemmam.  
**A**equoris ad siculi: quod uastis funditur undis  
**A**d noton est pontus libyæ sirtisq; uadosa  
**M**aior: at ulterius si pergas: cerne minorem  
**O**cciduam iuxta quam menix insula fulget:  
**E**t cercina simul libyca statione patentes  
**H**adria quas penetrat: uenias si parte sinistra  
**A**tq; legas calabrum littus: tunc insula magni  
**O**stendit sese diomedis nomine dicta:



Quo profugus quondam uictor concesserat ille  
 Coniugis incestæ per fraudes ægialia.  
 Ionium pergens absyrtidas æquor ad ortus  
 Circuit has olim colchi tenuere feroces.  
 Lassidum frustra medeæ furta sequuntur.  
 Continuo post hæc liburnidas aspicias altas.  
 Ad notias partes: hinc sæua ceraunia nautis.  
 Insula: ambraciæ contra cernuntur in alto.  
 Et corcyra potens: ithaces atq; aspera tellus  
 Et quas oblimat riuis acheloius amnis.  
 Flumine torrenti præcellam chalcida linquens  
 Sed multæ amnis hyperboreæ sub parte uidentur  
 Aegylaq; inde cythera: calabria dura colonis.  
 Ad radios uergit: sed carpathus: hanc prope certæ  
 Pinguis & umbrosis extendens collibus idem:  
 Ante ortus solis perhibent quam fulgere sole.  
 Gignitur hic alimos: quam si quis mordeat herbam:  
 Compescit dānumq; famis rabiemq; diurnam.  
 At rhodos ægyptum contra iacet insula diues:  
 Suniados contra quōq; summum rupis ad ortus.  
 Nubila quam nunquam uetuerunt lumine solis:  
 Nam purus caræ potitur telluris abantas:  
 Supra sunt selamis: necnon ægyna: sed ortus  
 Cernentem cyprum pontus pāphylus ambit.  
 Post hæc sunt ternæ citra patareide summa  
 Fama chelidonias: celebrat quas nomine terras.  
 Nec procul est arados phœnices æquore cincta.  
 Aegæi uero diuersis partibus alti.  
 Ad fauces arctas multæ sunt insula: abydi  
 Confines asiæ: dextra: euorepesq; sinistra.  
 Ad boream tamen hæc pertendunt ordine longo  
 Europes macris contingit abantias oram:  
 Et celsam scyrus peparethus sacraq; lemnos.  
 Fertilis atq; thasos: simul imbros post corybantum  
 Mœnibus antiquis samothracia cernitur alta.  
 Ast asiæ partem: quæ tangunt æquore primam  
 Delon circundant: has dicunt: cycladas esse:



Contimbos:parados:ceu stellas aspicias almas  
Ioniasq; simul:quas inter caunus & alta  
Sunt samnus atq; chius celebrata nomine claro.  
Acolica post:& lesbos tenedusq; sequuntur.  
Et iunus inde melas helles prorupit in æquor  
Panditur hinc pelagus:tumidaq; propontide feruet  
Ad boream:saxisq; uiget proconesus in illa:  
Est etiam leuis cuxini partibus una  
Quam leucen perhibent:aduersa borysthenis annis:  
Pascit aues quoniam multas candore niuali.  
Hic animas perhibent heroum laude potentes  
Degere securas uirtutis munere pulchro.  
Gimmerium recta:sed si quis bosporon ibit.  
Cernitur hinc dextra:uasta maotidis unda:  
Insula mole grauis trans alopecea lata  
Post quam phenagoren:hermonassamq; nepotes  
Egregie quondam coluerunt gentis ionum  
Insula hæ celebres pelagi sunt nomine claro.  
Ast alias refluum circundat tethyos æquor:  
Quarum demonstrum positum regionis ad oras:  
Æthiopes habitant erytheam pectore iusti  
Atlantem iuxta longæui finibus olim  
Venit hyperboreius quæ gens post facta perempti  
Geryonis:domuit quem uirtus herculis ingens.  
Sed summam contra sacrum cognomine dicunt  
Quam caput europæ:sunt stanni pondere plenæ  
Hesperides:populus teuuit quas fortis hiberi  
Ast aliæ oceani iuxta boreetidas archas  
Sunt geminæ rheniq; britanides hostia cernunt.  
Hic etenim lasso perumpit tethya cursu.  
Has tamen haud habeat spacio superare per orbem  
Insula perfulget nigro splendore gagates:  
Hic lapis ardescens austri perfusus aquarum  
Ast oleo perdens flammis:mirabile uisu.  
Attritus rapit hic teneras ceu succina frondes.  
Nec spacio distant nesidum littora longe  
In quibus uxores amnicum bacchica sacra

UPP



Concelebrant: hereda foliis tecta; corymbis.  
Oceanus tranans hic nauibus æquor apertum  
Ad thulen uenies: quæ nocte dieq; relucet  
Titanis radiis: cum curru scandit ad axes  
Sigtiferi boreas succedens lampade partes  
Ad nauem pelago flectenti aquilonis ab oris  
Ad solem calido referentem lumen ab ortu  
Aurea spectetur tibi pinguis insula glebis.  
Hinc trepidos proram conuertens nauis ad austros  
Taprobanem ueniet: generat quæ magna elephantas.  
Per fines asiæ: iacet hæc sub sydere cancri  
Littoribus cuius saliant densissima cete:  
Quæ pascit uastum mare rubrum montibus aqua  
Tenditur horribilis: quorum per terga per armos  
Spina ferens cladem: fatumq; sub ore feroci:  
Quippe solent pariter nauem sorbere uirosq;  
Nam mala tam pelagus q̄ terra merentibus offert.  
Vterius pergas si post carmanicla summam  
Ogyris occurrat, qua dicitur esse sepulchrum  
Regis erythrai: dederat qui nomine ponto:  
Perlicus inde sinus penetratur. & icaron offert  
Insula: quæ fertur nimium placare dianam.  
Tot sunt ingentes quas cingit terhyos unda  
Insula: ast aliæ diuersis partibus orbis.  
Dispersæ plures: fama latuere minores  
Auris difficiles nautis uel portibus aptæ  
Quarum non facile est mihi promere nomina uersu.

**S**t asiæ fines amborum linea monstrat.  
Et formam contra positarum imagine conij.  
Paulatim trahitur tamen hæc orientis ad oras

Oceanus statuas bacchi qua tangere fertur  
Finibus indorum postremis gurgite torrens  
Qua ganges liquido nysseos irrigat agros  
Non tantum & spacio similis telluris apertæ  
Scilicet ambabus penetralibus unus in illis  
Funditur oceani sinus: & disternat ambas.



Ast asiae gremio triplex mare confugit undis  
Hircanum pariter persum simul atq; sabacum  
Hæc noton: ad boreos hyrcanum uergit ad axes:  
Gurgitis euxini uicinum multa uirorum  
Milia: quod circum degunt per littora ponti.  
Amborum medius campis discernitur isthmus.  
Ast asiam qui mons excelsus diuidit omnem  
Incipit a mediis terræ pamphylidis oris  
Et longis sese spaciis producit ad indos:  
Nunc obliqua means: nunc recto limite currens  
Vertice: quem toruo perhibent cognomine taurum.  
Cornua nam summus scopulis imitatur acutis:  
Multifidusq; suos huc colles spargit & illuc.  
Ex hoc innumeri descendunt fontibus amnes  
In partes curi zephyri boreæq; uel austru.  
Quis memorare queat fluuiorum nomina cuncta?  
Non tamen est unum montis cognomen ubiq;  
Sed uarii flexus uariantur nomine multo.  
Singula sed propriis sunt nomina nota colonis.  
Nunc igitur gentes illum populosq; tenentis  
Qui celebres memorem: sed scælix numen adesto  
Mæota primi tangunt mæotidis undas  
Sauromataq; truces gens aspera martis in armis  
Sanguis amazonidum fortis: quos protulit olim.  
Sauromatis mixta quæ thermodoonte relicto  
Ingentes genuere uiros: belloq; potentes  
Innumeras habitant qui siluas gurgite uasto:  
Inter quas tanais mæotidis intima pulsat  
Europen fluuiio dirimens asiamq; reflexo:  
Europen zephyro: asiam sub partibus orrus  
Caucasi exit cuius fons montibus altis  
Murmure cum uasto scythiæ per plana refusus:  
Nunc tamen imenso torrentem flumine uertit  
In glaciem boreas horrendo flamine secuus:  
Heu miseros homines: habitant qui sinibus illis  
Aere damnati tristi: nimioq; rigore:  
Quo percunt pecudes pariter populiq; uirorum



Ni prope relinquant sua rura furentibus curis  
 Hi canan habitant fluuium prope sauromatarum  
 Cui sunt uicini sindi quoq; cimmerici  
 Post hos cercetii iuxta quos axenus altis  
 Fluctuat aequoribus: necnon oretaq; feroces  
 Et qui troianæ post proelia gentis achæi  
 Alcaipi regis: uictricia signa sequentes  
 Dispulsi uentis istas uenere sub oras.  
 Post hos eniochi. genuit quos gracia tellus  
 Et zygii iuxta uiuunt regione sub una  
 Intima sed ponti post fines tyndaridarum  
 Aegypto missi colchi tenuere coloni:  
 Caucasii montis prope collem & caspia ponti  
 Littora: qua celeres descendunt phalides undæ  
 Circæosq; secant campos: atq; aquora ponti  
 Nascitur armenii fluuius: qui uertice montis:  
 Ad cuius partes boreas & solis ad ortus  
 Euxinum dirimens: & caspia littora late:  
 Diffusos spacium per longum panditur isthmus:  
 Quem xuita terras habitant orientis iberes  
 Pyrrhenæ quondam: celsi qui monte relicto  
 Huc aduenerunt hyrcanis bella frequentes.  
 Hic camaritarum gens est carissima baccho:  
 Fluctibus hanc propter perfraxit caspius ætus.  
 Undiq; quem tereti concludit margine tellus.  
 Sed mare non ualeat tribus illud mensibus ulla  
 Scilicet imensum nauis transire profundo.  
 Non tamen exacuit pars una sub axibus æquor  
 Quæ tractum refugæ miscetur tethyos undæ.  
 Multa quidem generat uiuis miracula rerum.  
 Sed tamen egregio cristalli pondere gemmam  
 Atq; malos lemures quod pellit munus iaspi  
 Nocturni manes fugitant: quem membra tuentem.  
 Hoc igitur pelagus: quæ gentes undiq; cingunt  
 Incipiens numerum primis aquilonis ab oris  
 Quæ uergunt zephyro: quas caspia littora claudunt.  
 Primi sunt scythiæ populi saturnia iuxta



Aequora uiuentes. hyrcaniciq; hostia ponti  
Quos supra gryphes ditissima rura smaragdo :  
Qualem non alius terrarum possidet orbis :  
Atq; aurum sibi met defendunt pondere puro  
Omnia: sed duri superans audacia lucri :  
Aduersus uolucres heu commouet arma uirorum :  
Prælia nam faciunt armaspi gryphibus hostes  
Hic & cristalli perlucet maxima moles .  
Hinc unnus sequitur. post fortis caspia proles.  
Hinc sunt alban bellaces marte feroci :  
Vnde canes nati superant genus omne ferarum :  
Magnus alexander missum sibi uiderat inde  
Victorem barriq; canem. rabidiq; leonis .  
Post hos cadusii durissima rura colentes :  
Et prope sunt mardii: sequiturq; hyrcania' plebes .  
Hinc apyri: per quos mardus deuoluitur amnis  
Dercebius bibit hunc præter bactrusq; fluentem  
Per quos hyrcanum currens descendit in æquor  
Sed bactri mediis habitant telluris in aruis :  
Parnassum late prope montem rura tenentes.  
Dercebi uero sub caspia littora uergunt.  
Post hos massagetæ: trans flumen araxis ad ortum  
Hospitibus sacri cunctis belloq; feroces  
Non bacchi donum: cereris nec munera norunt :  
Sed lac commixtum potant cum sanguine equino  
Hos iuxta borcam uergit chorasmia proles  
Sugdias hanc sequitur rapidus quam diuidit oxus  
Emodum montem: qui linquens caspia rumpit.  
Inde sacæ nimium certis gens mira sagittis  
Flumen iaxartem iuxta: quibus arua coluntur :  
Et tochari phruniq; & plurima milia ferum  
Illis nulla bouum: pecoris nec pascua curæ:  
Vestibus utuntur: texunt quas floribus ipsi  
Quos tenuat lectos deserti finibus ipsi .  
Ast alia scythiæ gens est externa per arua  
Quos prope sunt tristes uentis & frigore terræ  
Nanq; niues semper pulsant has grandine mixtæ :



**C**aspus his populus lustratur pontus & oris.  
**A**spice post colchos nunc: & post phasidis undas  
**O** casum uersus populos in littore ponti  
**E**uxini: damus hos usq; ad chalcedonis ora  
**B**osporus angustat scopulis qua trachius urgens.  
**B**yzeres primi quos iuxta terra uechirum.  
**M**acrones post hos pariter: phyliresq; sequuntur.  
**M**ossyniq; domos praebent quis: lignea tecta  
**T**urribus arboreis habitantes unde uocantur.  
**H**inc pecorum est diues nimirum gens tibarenum  
**H**anc prope sunt chalybes durissima rura colentes  
**Q**uos labor exercet saeuus ferriq; metalla.  
**V**icinos istis campos terramq; parentem  
**A**ssyrii complent populi: qua gurgite uasto  
**I**nter amazonidas thermodon martius annis  
**A**rmenium linquens montem descendit in aquor.  
**H**uc asiae quondam deuenit alumna sinope  
**E**x qua cognomen ceperunt moenia clara.  
**I**llius fluuii rigidas prope frigore ripas  
**I**nuenies lapidem cristalli pondere puro  
**C**onfimilemq; gelu: nec non splendore nitenti  
**G**emma micans illic perlucet iaspidis albae  
**L**is continuo liquidis percurrit in aquor.  
**P**ost halys est fluuius boreae qui currit in ortus:  
**A**tq; carambidis irumpit prope littora pontum:  
**A**rmoniis primas qui montibus accipit undas.  
**P**aphagones post hos: mariandyniq; sequuntur  
**B**ithyniq; uiri pinguiissima rura colentes:  
**Q**ua rhebas pulcher gratissima flumina uoluit  
**R**hebas qui rapidi decurrit ad hostia ponti.  
**N**am prius exposita scythiae sunt semina gentis.  
**N**unc asiae regio contingens littora nobis  
**D**icatur: partes calidas decurrit ad austri  
**A**tq; helespontum transit syriaeque recessus  
**P**oscit & arabiam: qua florent ubere terrae.  
**S**unt chalcedonii primi post hostia ponti  
**M**oenia byzantis qui cernunt optima contra



Romanisq; pie regnis dominantia mundo.  
Bebrycii post hos: & mysia montibus alta:  
Qua cius egregia decurrens murmurat unda:  
Qua nymphas comitem perhibent rapuisse potentis  
Alcidae puerum tristissima fata gementis.  
Hinc hellepontum pertenditur angulus ingens  
Qua breuior phrygiae pars est: nam latior intus  
Sangarii ripis fluuii uicina rapacis:  
Tenditur haec potius titanis pinguis ad ortus:  
Altera ad occasus altae sub montibus ida  
Altera quae cecidit praeclearo nomine terra:  
Ad xanthi liquidas necnon simeontis ad undas:  
Post haec eoliae tellus praetenditur ora  
Fluctibus aegaei primis quae tunditur alti.  
Inde tenet terras pelagus prope sanguis ionum:  
Per quas maender pinguis descendit in aequor  
Inter miletum currens: latamq; prienem.  
Ad latus istorum boreum sunt moenia clara  
Vrbs ephesus: claudit quam grato litore pontus:  
Post has meoniae tellus: quae uergit ad ortus:  
Et tmoli colles: fluuius quibus aurifer exit  
Pactolus: cuius prope ripa tempore uerno  
Si sedeat: dulci capiaris pectora cantu  
Cygnorum: pascunt quos herbae flumine circum:  
Nam florent asiae per campos plurima prata:  
Sed magis ad fluuium maendri gurgite miti:  
Quem iuxta uolvens se: murmurat unda caystri:  
Post hos sunt lycii: quos xanthus diuidit amnis:  
Ad mare uergentes qui tauri cornua cernunt:  
Vsq; ad pamphylis perhibent quem nomine cragum.  
Illic aspicias aspendum: moenia cuius  
Eurimedon amnis radit uicina profundo.  
Continuoq; iacent aliae pamphylidis urbes:  
Corycus parceq; calens: & celsa phaelis.  
Hos supra mediis habitant telluris in aruis.  
Ad partes ortus: gens dura lycaonis armis.  
Post hos pisidum pinguiissima rura coluntur



Termessus: lybre necnon clarissima sege  
Gentis amiclax pulcherrima moenia quondam  
Hinc sinus est longus cilicum: qui uergit ad ortus  
Euxini penetrans uicinas æquoris oras.  
Hunc aliæ perhibent angustis partibus esse:  
Cui tamen immenso fluuii se gurgite miscent  
Per longum pyramus spacium pynarusq; uoluti  
Flexilis & cydnus dirimit q̄ flumine tarson:  
Hinc aliæ cilicum sunt celsis moenibus urbes  
Lyrnessus malosq; simul uicina profundo  
Atq; soli medio terrarum sine locati  
Cômagena dehinc regio: syriæq; sequuntur  
Urbes dispositæ per longi littora flexus.  
Nam casii montis: qua prominet ora per æquor  
Vergit in occasus diffusis tractibus unda.  
Nunc aliquas aliæ partes tibi carmine pandam  
Quadrati lateris qua clauditur undiq; forma  
Et spacii campos longis protendit in ortum  
Scis etenim memorasse tibi: q; collibus altis:  
Per totam mediis mons ingens tenditur acta:  
Quot fines aliæ nigros producit ad indos  
Hoc esto laterum boreum tibi: nilus ad oras  
Hesperies finit: sed tethys solis ab ortu  
Indica concludit: rubrum mare terminat austrum.  
Alpice nunc igitur dum finem uersibus ortus  
Peruenso retegens tibi ueris omnia rebus.  
Incipiens syriæ terris: qua parter reliqui  
Quæ pelagus supra sub solem uergit ad austross  
Vrbibus & multis habitatur nomine prisco.  
Quæ caua uulgatur: mediam quia collibus altis  
Ast humilem libanus claudit protentus in ortum.  
Occasumq; petens casius. multisq; uirosum  
Incolitur populis locupletibus alma diremptis.  
Nanq; alii mediis habitant telluris in aruis:  
Hosq; syros proprie perhibent: sed littora iuxta  
Phœnices uiuunt ueteri cognomine dicti:  
Quos misit quondam mare rubrū laudibus auctos



Chaldeo nimium decoratam sanguine gentem :  
Archaniſq; dei celebratam legibus unam :  
Quod pelagus primi tentantes nauibus altis  
Diſiunctas gentes docuerunt iungere mercem  
Et primi ſtellis numeros nomenq; dedere:  
Atq; oculis mirum uoces ſentire figuris.  
Hi muros iopes: gazam quoq; elaida complent.  
Antiquamq; tyrum: beryti & mœnia grata:  
Vicinaq; mari byblim: ſydonaq; pulchram  
Quam iuxta liquido boſtrenus gurgite currit :  
Et pinguem tripolim: necnon arthofida ſacram  
Laodicem pariter. poſitam prope littus amœnũ  
Et poſidi turres: & daphnes optima tempe  
Terrarum mediis apamea mœnia clara  
Ad cuius partes coas orontes .  
Antiochi medius dirimit qui gurgite regna:  
Hæc omnis pinguis tellus eſt ubere lata:  
Arboribus pariter. pecoriq; & cõmoda uiti:  
Ad cuius fines ueniens: quos terminat auſter:  
Arrabii cernes extremi littora ponti .  
Qui ſyriam medius diſterminat arrabiamq;  
Et tangit uergens orientem uerſus elanos .  
Diues arabs poſt quos latiffima poſſidet arua  
Quæ protenta diu cinguntur ab æquore perſo  
Arrabioq; ferit zephyrus quod flamine ſauro  
Perſica nam flatus æoi littora turbant  
Ora: ſed hæc auctro tendit ſubiecta per ortus  
Fluctibus oceani pulſatur & undiq; rubri .  
Hanc quoq; deſcribam tenui ratione recẽſens :  
Paſcere nam populos foeliccs diuite terra  
Floribus & uariis miracula prabet odoris .  
Nanq; thyo ſmyrnaq; uiget cum thuris odore  
Et caſia. necnon & cannae dulcis odore  
Cinnama præterea iocundæ naribus auræ  
Fertilis hæc generat tellus. auriq; metalla  
Veſtibus auratis quare gens utitur illa .  
His pueros ſeruans molochites ſplendet arenis



Andromadaſq; lapis cōpeſcens pectoris iras.  
Sed libani montis ſunt poſt decliua primi  
Fœlices opibus nabaræi nomine dicti.  
Chablaſii poſt hos atq; ageres. inde propinquant  
Chatramis atq; ſacæ: contra ſunt perfidis aquor  
Minæiq; maris prope rubri littora uiuunt  
Atq; ſabæ poſt hos: nec non habitant ceterabeni  
Arabiaꝝ populi celebres hi nomine claro.  
Sunt tamen & plures alii: nam maxima tellus:  
Trans iſtam zephyri ſub partes degit erembum  
Speluncis genus inſœlix & rebus egenis  
Qui ſolis radiis nigreſcunt corpus aduſti  
Diſperſiq; dolent luſtrantes more ſerarum  
Non arabis ſimiles opulentiſſe ſcilicet æqua  
Omnibus eſſe poteſt nunq̄ fortuna bonorum.  
Poſt libani montis populi ſunt ſolis ad ortus  
Alterius ſyriæ. quæ tendit ad uſq; ſinopen  
Cappadoces mediis habitant in tuiibus huius  
Terminus aſſyrios. ſed claudit ponticus ille  
Thermodon: pelagi qua pulſat gurgite fluctus:  
Cuius ab eoo decurrit limite ualſis  
Viribus euphrates deſcendens montibus aſpris  
Armeniaꝝ longuſq; noton pertendit & inde  
Ad ſolem flexus babiloniſ diuidit urbem:  
Littora deinde ruens prumpit perfidis undæ  
Extrema fluuii ſub parte terredona radens  
Huius ad auroram ripis deuoluitur altis  
Tigris. aqua ſuperant quem flumina nulla rapaci  
Sed tantum ſuperat: quantum uix ſeptimus ortus  
Conficiat pedibus ſpaciū properantibus ire.  
Atq; lacu mediis thonſtes intrat & exit  
Nec uiolatur aqua: quâuis penetrabilis illa  
Ocior atq; uadis emergens cedit amariſ:  
Hoc tamē omne ſolū fluuius quod cingit uterq;  
Indigne populi pro re dixere medânem:  
Quod medias amnes has terras flumine cingunt  
Agricolis pariter paſtoribus atq; ſeracem



**V**bere nam lato florenti semina cuncta  
**H**erbarumq; thoris: & gramina lata uirescunt:  
**U**t uariis rami complentur fructibus alti:  
**G**ens quoq; præfulget claris in laudibus illa:  
**N**am peperit multos celsa uirtute potentes  
**A**tq; adeo similes: licet ut mortalibus esse  
**A**rmenii iuxta quam sunt aquilonis ad axes  
**C**ominus & fortes: quos sentit mars matieni  
**Q**uos prope concludunt euphraten collibus altis  
**M**ontes diuitiis pariter belloq; potentes:  
**A**d partes austri babylon: quam mœnibus olim  
**M**irandis posuit firmisq; semiramis urbem  
**C**uius in arte domū splendentē fecerat auro:  
**Q**uam simul argentum uarie decorauit eburq;  
**H**oc quoq; pingue solū palmarū diuice silua:  
**Q**uod fert berylli munus præciosius auro  
**B**erylli lapidem liquidum: glauciq; coloris:  
**P**er loca quæ tendunt asiana ad mœnia petra:  
**A**t supra babylona uidet & flamina uasta  
**C**issos messabiasq; chalonitasq; feroces.  
**A**rmenios montes si linquens ibis ad ortus  
**M**edica noscetur tibi tellus: cuius ad axes  
**G**eri sunt mardisq; uiri simul atrapateni  
**A**d noton inde habitant medorum rura tenētes.  
**M**edea hinc fugiens dederat cognomina terræ  
**H**inc medi uarios usus nouere ueneni:  
**Q**uorū per multas spaciū diffunditur oras.  
**H**æc generat narcissiten oriente sub ipso  
**Q**ui lapis est fuscus: cōplent hanc undiq; silua  
**I**nter quas homines pecuaria ditia pascunt.  
**C**aspiadas tangunt portas: qui solis ab ortu  
**R**uptibus hæc celsis asia sunt claustra potentis.  
**Q**ua uia sub boream duplex: se scindit: & austrum:  
**H**æc regio persas hyrcanos ducit: at illa:  
**S**ub colles imos habitant: post caspia claustra  
**M**artia gens parthi: telis arcuq; potentes:  
**V**iucere qui spoliis gaudent: raptuq; nefando:



Quæ propter bellis homines uexantur in orbe :  
Atq; optata perit multo pax sanguine mundi.  
Post hos est persis circumdata montibus altis  
Assiduis florens regnis: & diuite censu  
Ex quo perdomuit sydorum incenia sardis  
Cingitur excellis hæc undiq; collibus omnis  
Ad uergens austros post caspia claustra petensq;  
Quod proprio pelagus celebrat cognomine latum  
Atq; tripartitis habitatur finibus illa.  
Nanq; colunt alii rigida sub partibus arcti  
Terras quas medi nemorosis montibus umbrant :  
Ast alii mediæ utuunt regionis in aruis  
Littora postremi tangunt australia persæ  
Prima parte sabæ: mediisq; pasargada: post hunc  
Tasorum telis habitat gens fortis & arcu.  
Quinq; tenent populi diuisos perfidis agros:  
Annibus hæc multis recreatur & ubere pingui  
Hinc choros inmensus profunditur. inde choaspes  
Fonte cadens indo: qui stringit gurgite fusa  
In cuius ripis præclarus fulget achates  
Pondere consimilis uoluit quos unda cylindris  
Fertilis hæc tellus fecundis pascitur auris  
Nam uentis semper florescunt rura secundis:  
Hæc eadem gemmis nimium decoratur honestis  
Quarum quis uarias uires: quis nomina dicat?  
Te colythum memorem iusto cognomine dictum  
Qui lapides rhenum tritus potusq; resoluit :  
Miritenenq; bonum nardi cum reddat odorem  
Hic est actites sonitum cui spiritus addit  
Archanum crepitans prægnantibus utilis esse.  
Necnon pyrites: digito qui strictus adurit  
Gemmaq; quæ radios emittit candida solis  
Atq; selenites lunaris imagine lucis:  
Quod decus & minuit proprii splendoris & auget.  
Respice nunc reliquas alia sub finibus oras.  
Perfidis ad pontum carmani solis ab ortu  
Littora pars habitant: mediæ pars limina terræ:



Gedroni post hos tendunt orientis ad ignem  
 Oceanum iuxta radiis prioribus usq;  
 Est scythiæ tellus australis flumen ad indum:  
 Qui ponto rapidus rubro contrarius exit.  
 Gurgite nam celeri rectus decurrit ad austrum:  
 Caucasus oriens primum de montibus altis.  
 Diuidua cuius patalana cingitur unda  
 Separat innumeras & uasto gurgite gentes:  
 Ad partes rapidi qua uergunt lumina solis  
 Oritas aribalq; simul liniq; arachotas  
 Vtentes leuis:& satraidæ simul omnes  
 Pampanii montis sub celsa rupe arienos  
 Nomine communis: qui terras ubere nullo  
 Florentes habitant: squalent nam sentibus aspris  
 Coralii lapidem: qui rubrum littore carpuut.  
 Saphiriiq; decus nigri: flauiiq; coloris  
 Saxorum cadunt uenis ac merce beati  
 In quorum terras hinc tethyos aquora claudunt  
 Quas primo titan ascendens lumine cernit  
 Vnde color populis niger est flagrantibus ortus  
 Atq; gerunt similis hyacintho fronte capillos.  
 Effodiunt alii terras: auriq; metallum.  
 Ast alii texunt tenuissima tegmina lini.  
 Vel dentes stringunt elephantis ab ore reuulsos:  
 Scrutantur ripis alii torrentibus imbri:  
 Berylli gemmas glauci: nitidumq; adamanta:  
 Atq; aura uiridi legitur: quæ splendet iaspis:  
 Coraliq; decus liquidi: gratiq; topazi  
 Purpureoq; amethyos inest suffusa colore.  
 Diuitias magnas sic tellus illa ministrat:  
 Assiduis rigant hanc totam fontibus amnes  
 Arboribusq; uiget uariis milioq; sequenti:  
 Et precio rubræ perfloret arundinis illa.  
 Hinc alii superant procero corpore tantum  
 Infiliant equitum faciles ut more elephantis:  
 Ast alii uiuunt sapienti pectore nudi  
 Luminibusq; uident rectis mirabile solem





Et radios oculis & sacra mente retractant  
Signaq; concipiunt arcana luce futuri:  
Pitacus hic uiridi decoratus torq;e rubenti  
Nascitur: humanæ simulat qui uerba lingua:  
Nunc age te fluuios montes formamq; docebo:  
Ipius terræ populos gentesq; beatas  
Marginibus ternis tellus hæc clauditur omnis  
Obliquatq; latus per cunctas linea partes.  
Helperios fines immanis terminat indus:  
Ad notios pelagus concludit gurgite rubrum:  
Sed gentes ortus & caucasus excipit arcum.  
Hanc homines habitant multi ditescq; colendam  
Nominibus uariis discreti: & finibus amplis:  
Dardanii ripas contingunt fluminis indi  
Hic ubi præcipitem scopuli fundunt acesinem  
Huncq; capax classis uenientem uoluit hydaspes  
Tertius hos sequitur splendenti gurgite cophes.  
Toxilus inter quos habitat cum gente fabarum.  
Hinc scodri post hos sunt: peucaneiq; feroces.  
Gangaridæq; truces: auri qua pondus onustum  
Deuoluens: hypanisq; trahit: rapidusq; megarus  
Quos capit emodo missos gangetica monte  
Tellus porrigitur quæ ad terræ colidis austros  
Oceani tangens pelagus sub collibus altis  
Quos uolucres metuunt celeri contingere penna  
Vnde locis graii posuerunt nomen aornin  
Hic uia quæ celebrat nomen dionysia bacchi  
Cui statuas dederat uictoria finibus illis  
Hic tylos est superans uastæ miracula terræ  
Insula: nanq; uiret cunctis in partibus anni  
Nec foliis nudat ramos autûnus in illa.  
Assidueq; tenet flores genus arboris omne.  
Hic adamas fulget lymphantia pectora sanans.  
Et prohibens miseris occulti damna ueneni:  
Quem minime ualeat ferram superare nec ignis:  
Frangitur hircino maceratus sanguine tantum:  
Sed tepido: fractis multis in eudibus ante:





Ad metum retrahit defendens robore miro  
Hic lignis lucem simulat splendore lucernæ  
Hinc meruit nomen præclaro nomine dignum  
Tot sunt per terras uulgata nomine gentes  
Nam reliquas quæ mens ualeat mortalis in orbem  
Disperfas: numerare tibi sine numine magno?  
Quod bene disposuit terras: ponticq; profundum:  
Syderibus uariis decorans caelestia templa:  
Et multis recreans: uariisq; coloribus arua  
Munera per populos tribuens diuersa uirorum.  
Sed uos terrarum tractus gaudete per æuum:  
Et quæcunq; mari circumdatur insula uasto:  
Oceanusq; simul: necnon penetrabilis unda:  
Quam gremio tellus sinuoso suscipit alma:  
Et fluuii: montesq; lacus: quos continet orbis:  
Nam pelagi partes percipi carmine uastas:  
Et terra pariter regiones finibus amplis:  
Omnipotens pro quo genitor mihi præmia donet.

**FINIS**

**Impressum Venetiis Impensis Magistri Michaelis Manzolini de Parma . Anno Domini . MCCCCLXXXI .  
Die . xv . Mensis Decembris .**

